

”Forskrift om unntak frå konkurranselova for samarbeid mv. mellom einsskilde grupper privatpraktiserande legar, psykologar og fysioterapeutar.

(Fastsett ved kgl.res. 2009 med heimel i lov 5. mars 2004 nr. 12 om konkurranse mellom foretak og kontroll med foretakssammenslutninger (konkurranselova) § 3 andre leddet. Fremja av Fornyings- og administrasjonsdepartementet.)

§ 1 Føremål

Føremålet med denne forskrifta er å avgrense bruken av forboda i konkurranselova mot avtaler om basisgodtgjering/driftstilskot og takstar som vert inngått mellom staten, ved Helse- og omsorgsdepartementet og dei regionale helseforetaka, og KS på den eine sida, og Den norske legeforening, Norsk Psykologforening og Norsk Fysioterapeutforbund på den andre sida.

§ 2 Unntak for samarbeid innan grupper av helsepersonell som har avtale med helseforetak eller kommune om drift av privat praksis

Konkurranselova § 10 og § 11 vert ikkje nytta på avtaler, avgjerder, samordna praksis mellom, eller einssidige handlingar gjort av legar, psykologar, fysioterapeutar eller deira organisasjonar. Dette gjeld berre når handlingane er naudsynte for å kunne forhandle fram og gjennomføre avtaler mellom desse, staten og kommunane om basisgodtgjering/driftstilskot og takstar.

§ 3 Plikt til å påvise heimel

På førespurnad frå konkurransestyresmaktene pliktar alle som vil nytte unntaket i § 2 å gjere greie for kva for avtale nemnd i § 2, som regulerer forholdet.

§ 4 Virketid

Forskrifta trer i kraft straks og gjeld i 5 år. ”